



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-23146-103/19
Sarajevo, 02.09.2019. godine

SKUPŠTINA KANTONA SARAJEVO
-Služba za skupštinske poslove-

PREDMET: *Odgovor na zastupničko pitanje – dostavlja se*

Zastupnik Skupštine Kantona Sarajevo, Samir Suljević, na 9. radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda, „Poslanička/zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, postavio je zastupničko pitanje:

„Kako su Ministarstvo zdravstva KS i Vlada KS mogli potvrditi imenovanje v.d. direktora JU Apoteke Sarajevo kad imenovani nije uposlenik JU Apoteke Sarajevo, što je fraglantno kršenje zakona (zakon o javnim preduzećima)?“

U vezi sa postavljenim zastupničkim pitanjem dostavljamo Vam slijedeći:

ODGOVOR

Direktori zdravstvenih ustanova se imenuju shodno Zakonu o zdravstvenoj zaštiti („Službene novine Federacije BiH“, br. 46/10 i 75/13), podzakonskim aktima donesenim na osnovu ovog zakona, osnivačkim aktima ustanova i statutima ustanova, a ne prema Zakonu o javnim preduzećima. Članom 66. stav. (4) Zakona zdravstvenoj zaštiti je propisano da direktora zdravstvene ustanove čiji je osnivač kanton imenuje upravni odbor zdravstvene ustanove, uz prethodnu saglasnost kantonalnog ministra.

Na sastanka održanom dana 10.05.2019. godine u kabinetu Ministrice zdravstva Kantona Sarajevo, prije imenovanja v.d. generalnog direktora JU „Apoteke Sarajevo“, na kojem su bili prisutni članovi upravnog odbora ove ustanove dogovoreno je da se procedura imenovanja v.d. generalnog direktora mora provesti u skladu sa važećim zakonskim i podzakonskim aktima.

Shodno naprijed navedenom, Upravni odbor JU „Apoteke Sarajevo“ je u skladu sa Zakonom o zdravstvenoj zaštiti, Odluci o preuzimanju prava i obaveza osnivača i usklađivanju organizacije i poslovanja JU „Apoteke Sarajevo“ („Službene novine Kantona Sarajevo“, br. 7/12, 33/13 i 22/17) i Statutom JU „Apoteke Sarajevo“ („Službene novine Kantona Sarajevo“, br. 4/14 i 20/16), donio odluku o postavljenju Nedima Hrelje, mr. ph. MBA, za vršioca dužnosti generalnog direktora ove zdravstvene ustanove.

Obzirom da se Upravni odbor JU „Apoteke Sarajevo“ prilikom donošenja odluke o postavljenju vršioca dužnosti generalnog direktora ove zdravstvene ustanove, rukovodio naprijed

navedenim zakonskim i podzakonskim aktima, ovo ministarstvo je dalo saglasnost na odluku Upravnog odbora o imenovanju vršioca dužnosti generalnog direktora JU „Apotheke Sarajevo“.

U prilogu ovog odgovora dostavljamo Vam i Izjašnjenje Upravnog odbora JU „Apotheke Sarajevo“ broj: 01-03.1325/19 od 19.07.2019. godine, vezano za provedenu proceduru imenovanja vršioca dužnosti generalnog direktora JU „Apotheke Sarajevo“, kao i imenovanje generalnog direktora ove ustanove na mandatni period od 4 godine.

S poštovanjem,

Pripremio:
Alen Katović, Pomoćnik Ministrica
Kontrolisala:
Amra Isić, Sekretar Ministarstva



MINISTRICA

Prof. dr. sci. med. Amela Sofić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



JAVNA USTANOVA „APOTEKE SARAJEVO“

Upravni odbor

Broj: 01-03-1325/19

Sarajevo, 19.07.2019. godine

Bosna i Hercegovina
Federacija Bosne i Hercegovine
KANTON SARAJEVO

22-07-2019			
Organizacija	Redni broj	Broj priloga	
10.	05	24768-1	

Bosna i Hercegovina

Federacija Bosne i Hercegovine

KANTON SARAJEVO

Ministarstvo zdravstva Kantona Sarajevo

N/r ministrice prof. dr. sci. med. Amela Sofić

Predmet: Izjašnjenje na Akt Ministarstva zdravstva Kantona Sarajevo broj: 10-05-24768/19

Shodno vašem Aktu broj: 10-05-24768/19 od 25.06.2019. godine, dajemo sljedeće izjašnjenje.

U skladu sa članom 44. stav (2) alineja 9. i stav (3) Statuta JU "Apoteke Sarajevo", Upravni odbor JU "Apoteke Sarajevo" je Odlukom broj: 01-01-942-1/19 od 03.06.2019. godine razriješio dotadašnjeg generalnog direktora prim. mr. ph. Saita Muradića prije isteka mandata, zbog neusvajanja izvještaje o radu i finansijskom poslovanju JU "Apoteke Sarajevo" – nadalje u tekstu kao "JUAS", za 2017. i 2018. godinu od strane Skupština Kantona Sarajevo.

U skladu sa članom 67. stav (1) Zakona o zdravstvenoj zaštiti Federacije BiH, članom 15. stav (8) Odluke o preuzimanju prava i obaveza osnivača i usklađivanju organizacije i poslovanja JUAS ("Službene novine KS", broj 7/12, 33/13 i 22/17) i članom 45. Statuta JUAS, Upravni odbor JUAS je dana 03.06.2019. godine donio Odluku o postavljenju Nedima Hrelje, mr. ph. MBA, za vršioca dužnosti generalnog direktora JUAS (Broj: 01-01-942-2/19).

U skladu sa članom 66. Stav (4) Zakona o zdravstvenoj zaštiti, članom 15. stav (3) Odluke o preuzimanju prava i obaveza osnivača i usklađivanju organizacije i poslovanja JUAS, kao i članom 36. stav (2) Statuta JUAS, Ministarstvo zdravstva Kantona Sarajevo je Aktom broj: 10-05-20188/19 od 10.06.2019. godine, dalo saglasnost na Odluku Upravnom odboru JUAS o imenovanju vršioca dužnosti generalnog direktora JUAS.

Upravni odbor JUAS se, prilikom donošenja Odluke o postavljenju vršioca dužnosti generalnog direktora, rukovodio zakonskim i podzakonskim aktima kako sljedi:

- član 67. Stav (1) Zakona o zdravstvenoj zaštiti Federacije BiH, koji glasi: "Ako direktor nije imenovan u skladu sa zakonom u roku od 60 dana od dana isteka konkursnog roka, odluku o postavljenju vršioca dužnosti direktora donosi upravni odbor zdravstvene ustanove";

- član 15. Stav (8) Odluke o preuzimanju prava i obaveza osnivača i usklađivanju organizacije i poslovanja JUAS ("Službene novine KS", broj 7/12, 33/13 i 27/12) koji glasi: "*Ukoliko generalni direktor Apoteke nije imenovan u skladu sa zakonom u roku od 60 dana od dana isteka konkursnog roka, kao i drugim slučajevima prestanka mandata generalnog direktora, odluku o postavljenju vršioca dužnosti generalnog direktora donosi Upravni odbor Apoteke, najduže na period do šest mjeseci, a u skladu sa Federalnim zakonom i Statutom Apoteke*" i
- član 45. Statuta JUAS koji glasi: "*Ako direktor nije imenovan u skladu sa zakonom, u roku od 60 dana od dana isteka konkursnog roka, odluku o postavljenju vršioca dužnosti direktora donosi Upravni odbor JUAS*".

Iz izloženog se vidi da niti u jednom od gore navedenih članova nije propisano da se vršilac dužnosti postavlja iz reda stručnih radnika ustanove. Obzirom da Zakon o zdravstvenoj zaštiti na cjelovit način reguliše sve aspekte obavljanja zdravstvene djelatnosti, uključujući i farmaceutsku djelatnost, kao pružanje zdravstvene zaštite kroz rad zdravstvenih radnika i zdravstvenih saradnika u okviru zdravstvenih ustanova, to je ovaj Zakon primjenjen kao *lex specialis* u odnosu na Uredbu sa zakonskom snagom o ustanovama koja se odnosi na sve vrste ustanova, te je u ovom slučaju *lege generali*.

Upravni odbor JU "Apoteke Sarajevo", je prije donošenja Odluke o razrješenju generalnog direktora Saita Muradić, mr.ph. pismeno je obavjestio imenovanog da se izjasni u skladu sa članom 44. stav 5. Statuta JUAS, u roku 8 (osam) dana.

Također, u navedenom vremenskom periodu tadašnji menadžment JUAS na čelu sa Saitom Muradić, mr. Ph, nije dostavio Upravnom odboru JUAS pismeno ili usmeno spisak radnika JUAS koji ispunjavaju uslove da mogu biti imenovani za v.d generalnog direktora.

Isti dan kada je imenovan vršioca dužnosti generalnog direktora JUAS, Upravni odbor JUAS je Odlukom broj: 01-01-942-3/19 od 03.06.2019 godine, raspisao Javni konkurs za imenovanje generalnog direktora JUAS, koji je objavljen na službenoj internet stranici JUAS dana 13.06.2019. godine, u Dnevnim novinama Oslobođenje dana 13.06.2019. godine i u „Službenim novinama Federacije BiH“, broj: 41/19 dana 14.06.2019. godine.

Nakon okončane konkursne procedure, Upravni odbor JUAS je dana 03.07.2019. godine, donio Odluku o razrješenju vršica dužnosti generalnog direktora JUAS (Broj: 01-01-1217-2/19) i Odluku o imenovanju Nedim Hrelja, mr. ph. MBA za generalnog direktora JUAS, na mandatni period od 4 godine.

U skladu sa članom 66. Stav (4) Zakona o zdravstvenoj zaštiti, članom 15. stav (3) Odluke o preuzimanju prava i obaveza osnivača i usklađivanju organizacije i poslovanja JUAS, kao i članom 36. stav (2) Statuta JUAS, ministrica zdravstva Kantona Sarajevo je Aktom broj: 10-05-26993/19 od 05.07.2019. godine, dala saglasnost na Odluku Upravnog odbora JUAS o imenovanju Nedim Hrelja, mr. ph. MBA za generalnog direktora JUAS, na mandatni period od 4 godine.

Dakle, Upravni odbor je transparentno i u skladu sa svim meritornim zakonskim i podzakonskim propisima imenovao generalnog direktora JU "Apoteke Sarajevo" na mandatni period od 4 godine.

Za dodatna pojašnjenja i informacije, stojimo na raspolaganju.

Avdo Gljiva, dipl. iur.

Predsjednik Upravnog odbora

